

EPITAPHIUM

RICHARDI NASH,

ARMIGERI.

B A T H :

Printed by C. POPE, and C^o. in *Stall-Street* :

A N D

Sold by J. LEAKE, Bookseller.

M.DCC.LXI.

[Price *SIX-PENCE*.]

MUSEUM

RICHARD D. WILSON

AMERICAN



[Trico 21X-R.W.C.E.]



EPITAPHIUM

Richardi Nash, Armigeri.



H. S. E.

RICHARDUS NASH

Obscuro loco natus,

Et nullis ortus majoribus :

Cui tamen

(O rem miram, et incredibilem !)

Regnum opulentissimum florentissimumque

Plebs, procures, principes,

Liberis suis suffragiis

Ultrò detulerunt,

Quod et ipse summâ cum dignitate tenuit,

Annos plus quinquaginta,

Univerſo populo consentiente, approbante, plaudente.

Una voce præterea, unoque omnium ordinum consensu,

Ad imperium suum adjuncta est

Magni nominis *Provincia :

Quam admirabili consilio et ratione

Per se, non unquam per legatos, administravit ;

Eam quotannis invisere dignatus,

Et apud provinciales, quoad necesse fuit,

Solitus manere.

In tantâ fortunâ

Neque fastu turgidus Rex incessu patuit,

Neque, tyrannorum more, se jussit coli,

Aut amplos honores, titulosque sibi arrogavit ;

Sed cuncta insignia, etiam regium diadema rejiciens,

Caput contentus fuit ornare

GALERO ALBO,

Manifesto animi sui candoris signo.

LEGISLATOR prudentissimus,

Vel Solone et Lycurgo illustrior,

Leges, quasunque voluit,

Statuit, fixit, promulgavit ;

Omnes quidem cum civibus suis,

Tum verò hospitibus, advenis, peregrinis

Gratas, jucundas, utiles.

* TUNBRIDGE.

Voluptatum arbiter et minister,
 Sed gravis, sed elegans, sed urbanus,
 Et in summâ comitate satis adhibens severitatis,
Imprimis curavit,
 Ut in virorum et foeminarum coetibus
 Nequis impudenter faceret,
 Neque in iis quid inesset
 Impuritatis, clamoris, tumulti.
CIVITATEM hanc celeberrimam,
 Delicias suas,
 Non modò pulcherrimis ædificiis auxit,
 Sed præclarâ disciplinâ et moribus ornavit :
 Quippe nemo quisquam
TO PREPON melius intellexit, excoluit, docuit.
 Justus, liberalis, benignus, facetus,
 Atque amicus omnibus, præcipue miseris et egenis,
 Nullos habuit inimicos,
 Præter magnos quosdam ardeliones,
 Et declamatores eos tristes et fanaticos,
 Qui generi humano sunt inimicissimi.
PACIS et patriæ amans
 Concordiam, felicem et perpetuam,
 In regno suo constituit,
 Usque adeo,

Ut nullus alteri petulanter maledicere,

Aut factò nocere auderet;

Neque, tanquam sibi metuens,

In publicum armatus prodire.

FUIT quanquam potentissimus,

Omnia arbitrio suo gubernans :

Haud tamen ipsa libertas

Magis usquam floruit

Gratiâ, gloriâ, auctoritate.

Singulare enim temperamentum invenit,

(Rem magnæ cogitationis,

Et rerum omnium fortasse difficillimam)

Quo ignobiles cum nobilibus, pauperes cum divitibus,

Indocti cum doctissimis, ignavi cum fortissimis

Æquari se putarent,

REX OMNIBUS IDEM.

QUICQUID peccaverit,

(Nam peccamus omnes)

In seipsum magis, quàm in alios,

Et errore, aut imprudentiâ magis quàm scelere,

aut improbitate.

Peccavit ;

Nusquam verò ignoratione decori, aut honesti,

Neque ità quidem usquam,

Ut non veniam ab humanis omnibus
Facile impetrârit.

Hujus vitæ morumque exemplar
Si cæteri reges, regulique,
Et quotquot sunt regnorum præfecti,
Imitarentur ;

(Utinam ! iterumque utinam !)

Et ipsi essent beati,
Et cunctæ orbis regiones beatissimæ.

TALEM virum, tantumque ademptum
Lugeant Musæ, Charitesque !
Lugeant Veneres, Cupidinesque !
Lugeant omnes juvenum et nympharum chori !

Tu verò, O BATHONIA,
Ne cesses tuum lugere
Principem, præceptorem, amicum, patronum ;
Heu, heu, nunquam posthac
Habitura parem !

Ut non veniam ab humanis omnibus

Facile impetrat.

Huius vite mundus exemplar

Si ceteri reges, regulique

Et quodque sunt regnum presciti

Imitantur;

(Utinam! iterumque utinam!)

Et ipsi essent beati

Et cunctas orbis regiones beatissime.

Talem virum, quod adeptum

Lugant Mures, Charitque!

Lugant Venet, Cupidique!

Lugant omnes juvenum et nympharum chori

Tu vero, O BATHONIA,

Ne cedes tuum lugere

Principem, precipuum, amicam, patronum;

Hec, heu, mundum posside

habita parca!